



Fasti Mariani

Brunner, Andreas

Antverpiæ, M.D.C XXX III.

SS. Qviricvs & Ivlitta MM. 16. Iunii.

[urn:nbn:de:hbz:466:1-70962](#)

præcocem suo satori vindemiam præbituræ. Quid ad hæc avari? In scholâ Pluti negant recepta esse paroха Christi. Ex Monachis.

SS. QVIRICVS & IVLITTA MM.
16.Junii.

Datur optio; exempla Christianæ fortitudinis à trienni puer, an fœminâ malis petere: hujus sexus, illius ætas convitum facient ignaviæ tuæ, si detrectas vel desperas sequi hos duces; & audies sanè quod olim Augustinus: *An non potes quod iste & ista?* Exercebat Tarli quæstionem de Christianis Alexander. IVLITTA QVIRICVM filiolum ultro ad tribunal non duxit, sed tulit, puto ne unicum Abrahæ in hanc rem facinus ostendi generi humano posset. Alexander in disparem prædam non eodem affectu grassatus, matrem atrocissimè, filium blandissimè exceptit, haud scias in leoninâ an vulpinâ pelle nequior. Certè QVIRICVS illius receptus sinu, appetitus osculis, inescatus promissis, nullum, neque plorandi, neque quiritandi finem fecit; cùm IVLITTA contrà pendens in equuleo, & taureis conscissa, gemitū nullū ederet, ut propriâ amborum confessione constaret, utrius conditio esset iniquior. Consumptis lacrymis, imbellia etiam arma expedivit triennis heros, & nuper natos

natos dentes tenerosq; unguis strinxit in adulatorem suum, luctando effecturus, ne mitior in se, quam in matrem esset. Et potitus est voto suo; Alexander ad tribunalis gradus victori anima elisit. Quid mater? nunquam latiore vultu suum pignus aspergit, idemq; beneficium poposcit, ut quam citissime eum assequeretur. Impetravit: ianiata unguis, perfusa pice cervicem securi subdidit: sed quantumcunque propperaret, filius celum subeundi jam coronatus occurrit. Ex Surio.

S. L V D G A R D I S V I R G.

16. Junii.

NVlla pulchrior virginitate est virtus, quae DEVVM etiam hominis facit rivalem. Ambierant LVDGARDIS thalamum complures, nec ignobiles terrae filii, & ex his familiarius unisorte loquebatur, cum ei sanctior sponsus CHRISTVS pectus suum, & in pectori cor saucium ostendit, & extra hoc nihil deinceps jussit querere. Inde videlicet humana omnia usque adeo illi jam vilescere, ut praeter crucifixi nullos amores sciret, præsertim ubi ab ejusdem vulneris nocte ebria, tota jam ibi habitabat, ubi sanctior amor degit. Deposuerat DEI MATER apud LVDGARDEM querelas suas, quibus filium ab Albigensibus hereticis iterum in

cru-